

«Бахтиёр оила» китобини сотиб олинг ва оилангизга бахт улашинг!



11:26 / 25.12.2021 2383

Халқимиз тўй олдидан тўйхонани, артистни, ошпазни, меҳмонларни гаплашиб қўйиш, дастурхонга қўйишга таом, ичимликлар ҳозирлаш каби моддий тайёргарликни амалга оширишяпти. Аммо тўйга маънавий тайёргарлик кўриш қўпчиликнинг эсига келмаяпти.

«Ўғлим куёвликка тайёрми, оилани эплаб кетармикин, келинимни омонат деб билармикин, унга зулм қилиб қўймасмикин, фарзанд кўрса, тарбия қила олармикин, никоҳнинг ҳукмларини биладими?» деган саволни камдан кам оталар ўзларига беришяпти.

Ёки «Қизим никоҳга, келинликка, жуфти ҳалолликка тайёрмикин, эрига итоат қиласмикин, қайнона, қайнотасининг дуосини олиш пайдан бўлармикин, ҳаётнинг паст-баландига сабр қила олармикин, никоҳнинг ҳукмларини биладими?» деб камдан кам оталар ўзларига савол беришяпти.

Кўплаб кишилар ёшларга «Сизлар тўй олдидан «Бахтиёр оила» китобини ўқиб чиқинглар» дейишмайди.

Ёки ёшларнинг ўзлари «Бахтиёр оила», «Соғлом бола» китобларини ўқиб чиқмагунимча, ундаги ҳукмларни ўзлаштиргуимча уйланмайман, турмушга чиқмайман» дейишмайди.

Хуллас, тўйдан олдин ёшларни никоҳга тайёрлаш, оилавий жанжаллардан боши чиқмаётганлар ечим топишлари, нима қилса, оиласи тотув бўлади, умуман, никоҳ, оиланинг тотувлиги, саодати учун нималар қилиш лозимлигини ўргатадиган китоб ўқиши тавсия қиласан. Бундай китобни «Ҳилол нашр» нашриётига қарашли дўконлардан ва диний адабиётлар сотиладиган бошқа дўконлардан топиш мумкин. Бу Шайх Муҳаммад Содик Муҳаммад Юсуф раҳимаҳуллоҳнинг «Бахтиёр оила» ва «Соғлом бола» китоблариидир.

Аллоҳ таолонинг фазли билан ана шу китоблардан қўплаб фойдалар олиш мумкин.

Ҳар бир оила қуриш остонасида турган ва оила қурган диндошларимизга, хуллас, ҳар бир мусулмон хонадонига бу китобларни тавсия қиласан.

Айримлар тўй куни келин билан рақс тушиш учун фалон минг доллар сарфлаб рақс тўгарагига боряпти. Айримлар “love story” (севги қиссаси) тайёрлаш учун фалон минг долларга фотосессия ташкил этяпти. Бу фотолар тўй куни тўйхонага келган меҳмонларга катта экранда намойиш этилади. Турмуш қураётган аёлининг ярим яланғоч расмини номаҳрам эркакларга катта экранда намойиш қилиш учун инсон ким бўлиши керак? Учига чиққан даюс, хотинини, маҳрамини қизғонмайдиган ҳамиятсиз махлук бўлиш керак.

Дастурхонни битта пиёлага жой қолмайдиган даражада тўлдиришни биламиз. Аммо фарзандларимизнинг тўйдан кейинги ҳаётлари ҳақида ўйлаб кўрмаймиз.

Ахир баҳт тўйнинг дабдабали ўтишида эмас-ку! Қилинадиган сарполар хорижники бўлишида эмас-ку! Келин-куёв яшайдиган уйни “от и до” жиҳозлашда эмас-ку!

Баҳт Исломга амал қилиб оила қуришда, шариатга амал қилиб яшашда эмасми?! Баҳт оиласи эр ва хотин ўз мажбуриятларини сидқидилдан бажаришида эмасми?! Ҳақиқий баҳт оиласи Аллоҳ таолонинг айтганига амал қилиб яшашда эмасми?!

Оилавий баҳтга эришиш учун, оиласда Аллоҳ таолонинг айтганини жорий қилиш учун ўша ҳукмларни билиш керак. Билиш учун эса «Бахтиёр оила» китобини ўқиш ва унга амал қилиш лозим. Айримлар даюслик учун минглаб доллар сарф қилаётганда, биз фарзандларимизнинг тўйдан кейин баҳтли яашлари учун никоҳга маънавий тайёргарликни йўлга қўйишимиз, шу тайёргарликка пул сарфлашимиз шартдир! Бу эса китоб сотиб олиш, аҳли илм устозлардан китобдаги тушунмаган жойларини сўраш, эрлик, хотинлик, қайноталик, қайноналик, сатри аврат, уят, таҳорат, ғусл ва ҳоказо ҳукмларни чуқур ўзлаштириш билан бўлади.

Тўй куни дастурхонни тежамлироқ қилиб безатсак, жуда кўп фойдали китоблар сотиб олишимизга пулимиз ортади. Зоро, ҳадиси шарифда никоҳнинг баракалиси чиқими енгилроғи экани айтилган.

Аллоҳ таоло «Бахтиёр оила», «Соғлом бола» каби барча диний адабиётларни халқимизга манфаатли қилсин! Бу китобларни ўқиганлар баҳтиёр оиланинг соҳиби, соҳибаси бўлиб, солиҳ фарзанд тарбия қилишларини насиб этсин!

Аллоҳ таоло бу китобларни халқимизга тақдим этган шайх ҳазратларини раҳматига олсин ва қабрларини нурга тўлдирсин!

Нозимжон Ҳошимжон